



SON DA CASA!

ESTAMOS UNIDOS NA DEFENSA DO NOSO

BASES DOS BONOS “Son da Casa! 2022”

OBXECTO.

O obxecto desta iniciativa é dinamizar o comercio local e reactivar a actividade económica de Vilagarcía incentivando a compra de proximidade.

A Concellería de Promoción Económica do Concello de Vilagarcía pon en marcha no presente ano 2022 unha nova edición da iniciativa BONOS SON DA CASA, mediante a emisión de Bonos para o consumo nos negocios, **establecementos comerciais** e **hostaleiros** da cidade, contando co compromiso e colaboración de toda a cidadanía para a revitalización da actividade económica local.

As bases reguladoras da iniciativa **Bonos Son Da Casa! 2022**, son as seguintes:

PRIMEIRA. CONTÍA A APORTAR POLO CONCELLO

O Concello de Vilagarcía aportará inicialmente, sen prexuízo de ulterior ampliación, a cantidade de **37.500€** para a emisión dunha partida de **3.750 paquetes de bonos por valor de 30€ c/u**, repartidos así: dous bonos por valor de 10€ e outros dous por valor de 5€ => (10€+10€ + 5€+5€).

O custo de adquisición para os cidadáns será de **20€** por cada **paquete** de Bonos, asumindo o concello unha cantidade equivalente a **10€** por cada **paquete** de Bonos.

O importe dos Bonos non consumidos non será recuperable.

O importe de cada Bono deberá gastarse nun único establecemento comercial ou de hostalería.



SEGUNDA. VENDA E DURACIÓN DA CAMPAÑA 2022.

A **venda de bonos comezará** o venres **2 de decembro** ata o esgotamento dos bonos.

O **prazo límite** para **gastar** os Bonos rematará o **16 de xaneiro de 2023** (este inclusive).

TERCEIRA. SOLICITUDE E PROCESO DE ADHESIÓN Á CAMPAÑA.

A efectos de facilitar a tramitación e xestión da presente edición, estímase que aqueles establecementos que se adheriron ás primeiras edicións, quedan automaticamente adheridos á esta, salvo manifestación expresa en contra, en forma fidedigna.

Os novos establecementos interesados en participar, deberán cumprimentar e presentar na forma indicada na **BASE QUINTA** o documento de adhesión á Campaña **SON DA CASA!** que estará á súa disposición na sede electrónica do Concello **sede.vilagarcia.gal**, e na páxina web do Concello **www.vilagarcia.gal**.

Xunto coa solicitude xuntarán un certificado de titularidade da conta bancaria designada para a consignación dos aboamentos que correspondan.

Outra documentación: a organización resérvase o dereito de solicitar calquera outro documento que considere necesario.

CUARTA. FORMA DE PRESENTACIÓN DA SOLICITUDE DE ADHESION.

A solicitude de participación na Campaña presentarase a través da Sede electrónica do Concello de Vilagarcía (**sede.vilagarcia.gal**)

Posteriormente, na web **sondacasa.vilagarcia.gal** publicárase o listado sectorizado con todos os participantes, para facilitar aos cidadáns a súa consulta.

QUINTA. OBRIGAS DO ESTABLECEMENTO ADHERIDO. O establecemento adherido comprométese a:

- Aportar, en tempo e prazo, a documentación que lle sexa requirida dende o Concello



- Recibir e colocar os materiais informativos da Campaña **BONOS SON DA CASA! 2022** nun lugar visible do establecemento. Dito material consistirá:

- Bases da iniciativa.
- Carteis identificativos.

- Facer un uso responsable dos Bonos evitando o uso fraudulento dos mesmos.

SEXTA. CARACTERÍSTICAS E CONDICIÓNS DOS BONOS.

- Cada **Paquete de Bonos** ten un **Valor Total** de **30€**; (divido así: 2 bonos de 10€ e 2 bonos de 5€ => 10€+10€ + 5€+5€).

- **Custo** de adquisición de cada **Paquete de Bonos** para a cidadanía: **20€**.

- **Aforro** para a cidadanía en cada paquete de Bonos adquirido: **10€**.

- So se poderá adquirir un máximo de **2 Paquetes de Bonos** por DNI ou NIE (sempre orixinais); polo que so se poderá acumular un **valor máximo** de **60€** por persoa.

- O número Total de **Paquetes de Bonos** que se porán á venda será de: **3.750**.

- Se o importe da compra é inferior ao importe do Bono, non se devolverá cambio algún en efectivo.

- Os Bonos non son cambiabes por diñeiro en efectivo.

- No caso de que se produza unha devolución do produto, o establecemento deberá emitir un vale polo importe íntegro da compra, non sendo posible a devolución de diñeiro en efectivo.

- Deberán presentarse os DNI orixinais.

- Non poderán adquirirse Bonos por medio de DNI de menores de idade.

- O **prazo límite** para **gastar** os Bonos rematará o luns **16 de xaneiro de 2023** (este inclusive).

- A **adquisición dos Bonos** realizarase a través da **plataforma dixital** habilitada a tal efecto. No seu caso, nos termos do artigo 13 da Lei 39/2015 de PACAP relativo aos dereitos das persoas nas súas relacións coas administracións públicas, o Concello de Vilagarcía prestará asistencia personalizada no uso dos medios electrónicos, para a



adquisición dos bonos, ás persoas que a precisen. Dita asistencia prestarase nas instalacións municipais que se determinen.

- O Concello poderá, si así o estima oportuno; autorizar á Asociación de Comerciantes “Zona Aberta” a venda de Bonos en **formato físico** nos lugares e horas que se determinen.

- Tendo en conta que a iniciativa pretende a dinamización e revitalización do comercio Local e de Proximidade, **queda excluído** o gasto dos Bonos en **alimentación** nos **Supermercados e Grandes Áreas Comerciais**.

SÉTIMA. PROCEDEMENTO DE TROCO DOS BONOS POR PARTE DOS ESTABLECEMENTOS ADHERIDOS.

Para levar a cabo o troco dos bonos, os establecementos participantes deberán achegar á Asociación Zona Aberta o bono ou bonos orixinais que recibisen, debidamente selados, así como o ticket ou factura do gasto correspondente.

A Asociación procederá ao aboamento das cantidades correspondentes a cada establecemento, mediante **transferencia bancaria**, que se realizará, a ser posible, semanalmente, na conta bancaria facilitada polo establecemento participante na Campaña.

Non se abonarán bonos falsificados, rotos, deteriorados ou presentados a partir da data límite da súa liquidación (16 de xaneiro de 2023).

O CONCELLO RESÉRVASE O DEREITO DE APARTAR PARA FUTURAS CONVOCATORIAS E DENEGAR A LIQUIDACIÓN DOS BONOS A AQUELES COMERCIANTES NOS QUE SE DETECTE UN USO FRAUDULENTO E LUCRATIVO DA CAMPAÑA.

